

SARS E MEMA SETŠHABA GO DIRA DITSHWAYOTSHWAYO GO TOKUMENTE YA GO NGWALOLLWA YA MOTŠHELOPHAHLOGAE

Pretoria, 5 Matšhe 2019 – Morago ga dipego tša maloba tša Tekanyetšo ya Tšhelete ya 2019, Ba Ditirelo tša Motšhelo tša Afrika Borwa (SARS) ba kgobokeditše [tokumente ya therišano ya go ngwalollwa](#) go tšweletša tshepetšo ya go ngwalolla mohlako wa go bea molao wa taolo ya motšhelophahlogae.

Tokumente ya therišano ya dithoto e laetša tebo ya go tsebega ya ditšhabatšhaba ya taolo ya motšhelophahlogae kgatlhanong le ka fao tshekatsheko enngwe le enngwe ya motšhelophahlogae e swanetšego go elwa ka gona. Tsebišo le setlwaedi sa gabjale sa mokgwatšhomo wa mothopo-walekgetho (DAS) wa taolo ya motšhelophahlogae o fana ka kamano ya tshekatsheko ya molao wa motšhelophahlogae. Ditlamorago tše dingwe tše di lego pepeneneng go molao wa gabjale wa mabapi le laesense ya DAS, matlotlo, kelo le tokollo ya makgetho a dithoto tša mo nageng di laeditšwe bakeng sa kgonagalo ya phetošo. Papetšo ya dinaga tše mmalwa e laeditšwe go šupetša mehlala ya ditšhabatšhaba ya boikgethelo bja go dira kaonafatšo. Mafelelong, kakaretšo ya sephetho e laetša ditšhišinyo tše di thekgwago ke SARS.

Tokumente ya ditherišano e nepile go tlhagiša dintlha tša kago tše bohlokwa le ditshwayotshwayo go tšwa go di-entasteri ka moka tše di amegilego tše di tšweletšago, go diriša, tlišogae le kišontle ya dithoto tša go tšhelelwa, gape le go tšwa go baswarakabelo ka bophara ba dithoto tša go tšhelelwa. Morago ga go fetša sebaka sa ditshwayotshwayo tša setšhaba gape ge ditshwayotshwayo di tšweleditšwe, SARS e nyaka go itebanya le dikemedi tša ditheo tša entasteri le dikgoro tša mmušo tše di amegago bakeng sa ditherišo tša go tšwelapele mabapi le ditšhišinyo tše tša diphetogo tše di nyakago dintlha tša tlaleletšo le go kaonafatšwa.

Baswarakabelo ba mengwa go romela dintlha tša ditsenywa le ditshwayotshwayo tša bona pele ga 31 Mei 2019 go Ms Samantha Authar, e kaba ka mokgwa wa elektroniki go C&E_legislativecomments@sars.gov.za, goba ka letsogo go South African Revenue Service, Private Bag X923, Pretoria, 0001.